

掃

紅

亭

吟

稿

掃紅亭吟稿卷五

崇川

馮雲鵠晏海

古近體詩

嘉慶乙亥以後作

六月既望初至東阿二首

湧流閘口渡黃河。歷碌舟車匝月過。時淋雨兼旬舟車四易
一水頻分南北。況雙輪其奈雨風多。湖邊草沒人
依樹汶上泥淤馬涉波。行過東平平坦路。萬山叢
裡是東阿。

二

崎○嶇○石○罅○馬○蹄○艱○
舊○縣○東○來○一○畝○關○
四○嶺○煙○霞○開○
半○壁○雙○城○鎖○
鑰○比○連○環○
東○阿○有○東○西○二○
狼○溪○河○抱○
清○流○曲○
獅○耳○峰○
奇○古○色○
玳○王○數○
載○離○情○
今○聚○首○不○
辭○
翦○燭○話○家○山○

穀城咏古十四首

蒼頡祠

倉頡墓在縣西北三十里墓前有祠皇覽云學書者皆祭之

史皇四目怪容顏
邃古神人見一班
北海墓傳疑

信。裏。東。阿。祠。在。渺。茫。間。曾。聞。學。士。多。祈。禱。未。必。靈。
文。付。懦。頑。我。欲。擘。窠。書。鳥。跡。恐。鷲。雨。粟。灑。天。關。

三歸臺

在縣城南
其址猶存

小。穀。城。南。一。大。觀。傳。言。仲。父。相。齊。桓。功。成。九。合。仁。
堪。許。築。到。三。歸。儉。亦。難。舞。榭。歌。樓。應。擾。擾。花。晨。月。
夕。已。漫。漫。於。今。臺。址。誰。憑。眺。山。自。蒼。茫。水。自。寒。

子路山

在城西南宋嘉
祐時建子路祠

子。路。山。連。子。路。村。山。村。無。復。仲。家。門。獨。留。正。氣。千。

抄錄正以和

峰。矗。借。得。英。名。萬。古。存。鼓。瑟。聲。誰。傳。北。鄙。讀。書。堂。

乃。勝。西。園。山上有子路讀書堂園即園字六。工。百。

木。環。相。拱。冠。帶。我。我。別。一。尊。六工百木皆子路

挂。劍。臺。在張秋鎮徐君墓上今猶生挂劍草其葉一倚一仆如人負劍

交。如。季。札。乃。情。真。不。惜。千。金。惜。故。人。躑。躑。邱。墟。鷺。

夢。遠。徘。徊。雲。樹。挂。愁。新。觀。光。本。自。冲。牛。斗。望。氣。還。

堪。泣。鬼。神。墓。草。至。今。猶。負。劍。可。知。感。佩。入。微。塵。

周。首。亭。周獲長狄榮如瘞首於此後人建亭其上名周首亭

獻俘折馘事頻聽。獨有榮如誕不經。載去都護眉。
見軾瘞來猶把首。名亭操干縱作刑。天舞棄甲難。
全貳負形長狄殲。旃民患絕。豈惟齊魯說邦寧。

孟姜閣

在洪範池西偏
前有玉女池

玉女何因號孟姜。荒祠遺像費推詳。悲彈雅操琴。
俱香。琴操有杞梁妻歎列女傳以為梁妻所作署。
到芳名閣亦香。地下無情埋寡鵠。池邊有影曳垂。
楊殘碑若箇題黃絹。豚事空傳哭杞梁。

孫臏營

傳載臏生阿鄆之間今傳其營在縣西南五十里

臏○生○阿○鄆○似○尋○常○減○竈○成○功○在○大○梁○率○乃○祖○風○傳○
武○子○教○官○人○戰○想○吳○王○詐○謀○縱○出○龐○涓○右○謨○畧○終○
無○樂○毅○長○聽○說○城○南○多○壁○壘○昇○平○難○覓○古○沙○場○

龐涓井

井有數處皆琉璃井楚作亦稱琉璃井

琉○璃○甃○作○果○狀○精○幾○處○人○傳○汲○水○清○大○抵○將○軍○知○
掘○井○漫○誇○宰○相○解○談○兵○攻○韓○未○遂○班○師○願○失○魏○翻○
成○豎○子○名○譬○若○功○虧○泉○九○仞○難○從○鬼○谷○認○先○生○

黃石祠

黃山即濟北穀城山有黃石公祠列唐宋碑至今多古柏產文石

秦時仇建漢時功一卷奇書帝運通不有老人來

記上作記今作圮讀平聲考應劭注漢書那能孺子

佐闕中前賢已列神仙傳後世猶疑隱士風我在

穀城山作客幾回瞻拜景豪雄

白雁泉

在龍頭山漢高祖伐楚軍營缺水見白雁驚起得泉名白雁泉

驀地清泉迸石磯軍中救渴甚於饑他年自有黃

龍見此日全憑白雁飛聽說望梅人解事何如擇

地鳥知幾漢高滅楚重迴馭猶見涓涓出翠微

項王家

皇覽云在城東南水經注在城西北石碣具存今東南山中有高冢

相傳為

項王家

往矣重瞳不可興誰將片石表荒陵雄心死不輸
韓信霸業衰由失范增百二關山空有約八千子
弟已無憑墓前若灑烏江淚也有英靈喚得磨

將軍墓

將軍李姓不傳其名項王裨將漢滅楚將軍持城不下許以王禮葬

項王

乃下之既而背約李自殺尸不仆漢高驕異終以王禮改葬項王乃仆今其墓

猶在霸
王墓側

墓草懷青倚夕曛。路旁人指李將軍。降劉不為歸。
新主滅項猶能衛舊君。未有勛華標竹帛。豈無叱
咤變風雲。奕王畢竟成王禮。尸諫亭亭駭聽聞。

瓠子河

美玉長焚事已過。漫來踪跡漢山河。此身暫作匏
瓜繫。入耳疑聞瓠子歌。封禪詞章今泯沒。宣房宮
殿舊嵯峨。功成苦爾淇園竹。不比鴻溝委逝波。

魚山碑

魚山上有東阿王曹子建墓今隧

兼四體隋開皇十三年
立全文今刻入金石索

七步奇才未可求。遙瞻隧道碧山頭。開皇碑立千
年。在文帝身無尺土。留四體書成精耿耿。九原骨
冷夢悠悠。此碑邀得陳王盼。不恨當時少應劉。

九日偕保少柏王霽塘登少岱山

俗呼小泰山

家山客路一般秋。且與同人少岱遊。九日高風來
絕磴。千巖爽氣逼層樓。也逢黃菊開經眼。未得茱

奠○插○滿○頭○五○點○琅○峯○何○處○是○二○千○里○外○碧○雲○流○

穀城山謁黃石公祠

我○生○不○見○赤○松○子○此○地○忽○逢○黃○石○公○道○貌○蒼○髯○有○
異○致○素○書○寶○劒○擎○仙○童○庭○前○矗○矗○唐○碑○老○樹○外○蕭○
蕭○漢○殿○空○安○得○圮○橋○人○再○度○夕○陽○一○片○寫○鴻○濛○

黃山石尺

黃○山○多○異○石○五○色○花○斑○濃○
俗名花斑石
或○如○瑪○瑙○暈○或○
如○竹○葉○叢○鵝○黃○雞○冠○紫○點○點○如○天○工○大○可○為○几○案○

小○可○瑯○詩○第○我○取○作○鎮○紙○拂○拭○加○磨○礱○奕○奕○有○神○
彩○隱○隱○來○僂○風○世○上○玉○界○尺○何○如○黃○石○公○

洪範池

洪○範○何○年○池○初○始○無○歲○月○雖○有○元○人○碑○亦○未○紀○顛○
末○方○廣○數○十○尺○層○臺○復○精○絕○臺○前○石○龍○口○日○夜○噴○
銀○雪○回○旋○乃○出○山○流○行○千○百○折○禱○雨○輒○有○靈○不○用○
持○真○訣○異○哉○池○中○魚○澈○澈○色○恍○惚○湧○出○珍○珠○泉○池○
心○如○泡○突○撒○手○擲○青○蚨○化○作○綠○胡○蝶○我○欲○問○箕○疇○

山靈秘不洩。池多朱魚忽有綠者異之伺其南游
亦綠也投以錢為珍珠泉所梗不即沉搖
漾而下如綠蝴蝶真為異觀他池所未有
映日魚

石蟹

天狀八足二螯生白石郎加郭索名但見此時皆
帖伏不知當日果橫行消磨冷月形俱瘦洗滌靈
泉骨亦輕洪範池邊親拾得齋頭小供抵瓊英

王霽塘為予購得燕子石一片題以詩

分明一片石玲瓏別有春光奪畫工
空一面柳燕嵌

燕飛飛。疑得路。綠楊裊裊欲生風。參差豈在雕鏤裡。變幻都歸造化中。好事休題多福硯。不教雙翦入簾櫳。

有誤以燕為蝠刻作多福硯者

古弩機歌贈孫七賢

邑紳孫七賢家掘地得銅器不知何名出以貽

予予曰古弩機也因作歌

古弩機。形模奇黝而碧。離哉披爾形。雌伏爾意雄飛。千劫萬劫沉沙泥。一朝薜草野拂拭。生光輝。知爾為漢制。未定何年時。上無延光三年建安二十

二。年。之。月。日。下。無。鄢。郭。工。楷。稽。福。造。作。之。工。師。機。
間。銀。約。久。復。脫。五。格。四。格。爭。豪。釐。未。入。書。言。府。涿。
州。市。但。覺。銅。堅。質。膩。苔。花。滋。宣。龢。圖。譜。有。七。器。與。
爾。絕。肖。來。何。遲。我。想。當。年。車。犇。馬。馳。萬。鈞。之。弩。待。
汝。而。施。火。積。夜。貫。封。狼。羆。殺。人。六。百。步。無。人。知。烏。
盡。弓。藏。不。足。恠。機。乎。機。乎。將。何。為。昔。列。于。軍。中。之。
矛。戟。今。比。于。席。上。之。罇。彝。乃。知。太。平。尚。樽。俎。不。貴。
用。機。貴。息。機。

金鄉茶肆女子

曹州吳禮石太守。階言其初宰金鄉時。紛傳白蓮起事。佯為不信。而密偵甚嚴。署前茶肆中。來一人坐飲不去。當壚女子察而異之。語其父云。此人身形擁腫。必有挾藏。執而搜之。果得逆旗器械。送署鞫之。供言即晚齊集攻城。焚劫縣署。以三人為內應。其二人分藏廟宇中。竝捕獲之。嚴行守衛。

夜果攻城有備無患金鄉城之不破者宰
官之功茶肆女子與有力焉誌之

蓬門弱質自清嘉市肆當壚兩髻花偏是秋波能
識賊豈徒活水解烹茶片言拔發連三計一夕生
全數萬家將士守城官畫策頭功轉屬女嬌娃

金鄉義勇周戴氏二首

袁玉堂明府

潔

於冬至時來東阿自言其

宰金鄉時值十八年秋白蓮之變逆匪糾

聚城南葦子坑○無不被其擾者○坑之北隔
河為周戴氏居○戴氏孀也○其母亦孀○俱無
子○戴素嫺○武藝有膽識○乃作男子裘○習弓
挾矢○跨駿馬○建戴字旗號○召鄉勇千人○結
團營○保其村○賊不敢犯○一方無恙○又親詣
縣堂○獻沃田二頃○以助守城軍餉○有功為
言於上官○羣議事當題奏○而同中丞因循
不果○僅給予巾幘○偉人匾挂以顏其居○時

論少之士夫爭咏詩歌以美其事載八蟲

莊詩話真奇女子也囑余賦之

不諳韜畧解談兵嫠婦揮戈保太平籌畫軍需捐
沃壤安排鄉勇結團營雄心思戰蘆花蕩小醜何
憂葦子阮巾幗偉人甘殺賊轉嫌無路請長纓

二

戴字旗飄杏子黃桃花馬上姓名揚城南戰鼓驚
天震河北軍容匝地長不讓鬚眉稱鐵甲竟將壁

壘固金鄉中丞未許邀題請奇績何由達
尚方

附錄袁玉堂詩

閨中慷慨說興師太息妖氛四起時久已克家
同令子更將報國傲男兒一門清節愁風雨千
畝腴田勞虎羅如此偉人巾幗少却教未達
聖明知

酬袁玉堂惠蒲桃畫幅二首

橫空布作老龍蟠。天矯掀騰四面看。十斛珠璣光
錯落。一天星斗影團圓。藥神能逼肖。香俱出。筆有餘。
妍墨不乾。漫道葡萄西域產。此時生長屬袁安。

二

寫生近日號專家。世稱袁客裡揮毫逸興賒。馬乳
低垂人可摘。龍鱗高躍日初斜。大清河畔思棠蔭。
少岱山頭挹露華。此是先生宦遊地。兄曾宰莫愁
風雪且停車。

歲除日南旺述懷

南旺在汶上境

一日乘除一歲過。者番寒暑暗消磨。火雲策蹇東平道。風雪監挑南旺河。不畏羊腸行去險。可堪馬齒算來多。眼前又是青陽換。何處逍遙放浩歌。

范受之少尹慶長除夕招飲二首

碌碌河干苦歲殘。喜從少府飫盟餐。人登紫閣心先煖。座有紅兒酒易乾。幾點寒梅邀顧盼。一聲爆竹響平安。相逢半是江鄉客。袖領風騷屬主壇。

二

錢○舊○迎○新○夜○欲○闌○燈○圍○語○笑○不○知○寒○三○姝○莫○惜○千○
金○賞○一○曲○能○生○九○募○懽○此○夕○臘○容○消○盞○底○明○晨○春○
色○上○眉○端○百○忙○時○節○成○嘉○會○范○村○常○垂○青○眼○看○

南旺河工雜咏八首

柳○林○閘○口○起○程○途○計○丈○分○牌○九○募○鋪○
汶○上○東○平○陽○穀○為○大○募○壽○張○魚○臺○東○阿○中○募○鉅○野○
嘉○祥○濟○寧○衛○小○募○大○募○十○餘○牌○東○阿○六○牌○每○牌○六○
夫○十○四○南○旺○何○人○同○指○畫○東○阿○有○客○此○躊○躇○銀○河○落○

地三千丈鐵鑿掀天十萬夫欲啟塗泥須破凍沖
沖先繪鑿水圖

二

高岼成邱壓四圍。蟻緣而上力先微。兒兒運土雲
斜捲盆子翻。山水倒飛。挑土必先出。用水用栲。栲貫
水過山入湖。縱遇斗門。疏地勢。何來丈室避風威。
名翻山盆子。荒堤獵獵。工程緊。纜趕朝陽又夕暉。

三

分水龍王廟貌嚴。北三南七順流潛。水自汶河來正對龍王廟
南北分。流諺云三分。雞心灘。小時時長。羊角風來。
朝天子。七分。下江南。雞心灘。小時時長。羊角風來。
面面尖到處地堅。雲母凍。那堪天撒水晶鹽。搶工
一段難收拾。另作包。方價倍添。

四

天寒地凍。續無溫。並舉塘長欲斷。覓土舉已興。劉
老口火龍。猶接受家門。目迷加僂。千夫亂心聽飛。
泉五夜翻。破廟數椽。棲復起終宵。巡察敢言煩。例往

先挑塘河次挑長河今歲趕運塘長並舉加四俵夫其費更倍儕猶跨也劉老口在長河受家門在塘河受姓音到即舒黝受兮之受俗本作取受之受誤也受家門多飛泉卸土設夜泉夫燈連數里

五

挑到長河白滿川一時宣洩苦難焉擺淤更東牛皮入坎時防鍋底泉入泥不能上掀另覓叔夫皮叔讀去聲泉之大者開盡龍溝猶汨汨踏殘馬以釜覆之名鍋底泉

路尚濺濺水車不用江南製抱甕多縻百萬錢

六

觀音堂口檻泉鋪。臣者如輪細似珠。雲氣直奔大。
野澤風聲橫掃獨山湖。南旺湖即周禮所謂其澤
湖為汶水。埏宜高築堅難啟。功到垂成敗即無一。
發源處。尺土亦尋丈。水安排那不破工夫。

七

力盡筋疲器具殘。鳩形聚首發長歎。窮街唱賣甜。
饅苦野店呼斟熱酒寒。兒子嬾防前後杖。鋏夫勤。
試短長竿鳴金忽爾成團坐。凍餅和泥算一餐。兩日

餐烏金為度各夫取
所携衆糧食之甚穢

八

開河南下接平疇。二月中旬功漸收。靳口牕連袁。
口牕大夫頭押小夫頭。堤邊白馬翻青蓋。椿上紅。
旂。颶碧流。驗過工程人。緩步回看辛苦付悠悠。

丙子花朝題俞東甫蜀遊筆記

東甫名臯無錫人時為東

平州彭家集巡檢
常至靳家口工次

一邱一壑紀鄉關。萬里經遊往復還。卜易新占歸。

妹卦登程先過小姑娘時東甫送回妹于歸中壩
山下驚心烽火三巴險樂意壺觴中壩閑我向燈
前頻展讀西川如在畫圖間

題張澹香奩篋詩存后孫詠絲韻東甫室

翠閣生香翠袖寒手編珠玉幾回看夫人自唱揚
州慢遊子還吟蜀道難澹香臨潼人生長揚州故
中似此和聲韻琴瑟勝他臭味結芝蘭臨潼一卷
水奩集多少唐賢在筆端

摘錄澹香寄懷諸妹集唐詩四首

感○時○思○弟○妹○目○斷○廣○陵○西○身○世○豈○能○遂○鄉○心○向○
此○迷○江○晴○帆○影○滿○雨○密○雁○飛○低○盡○是○添○愁○處○非○
君○獨○慘○悽○

白居易

江為

賈島

崔塗

憶○昔○幾○遊○集○餘○懽○不○可○追○正○傷○携○手○處○記○得○別○
家○時○自○顧○無○長○策○飛○棲○假○一○枝○年○年○此○光○景○何○
日○遂○心○期○

溫庭筠

王維

白居易

馬戴

張籍

李頻

頻

不。得。人。間。壽。香。魂。一。哭。休。頻。添。兩。行。淚。又。值。一。

年。秋。二。自。注。五。妹。謝。世。條。已。事。與。孤。鴻。去。雲。隨。野。

水。流。傷。離。與。懷。舊。江。上。倚。危。樓。

白居易

溫庭筠

岑參

李賀

陸龜蒙

賀

杜牧

張喬

許渾

陸龜蒙

賀

賀

涼。月。白。紛。紛。微。茫。水。國。分。自。狀。堪。下。淚。不。獨。為。

離。羣。造。次。行。於。是。清。幽。并。在。君。世。情。何。處。淡。身。

外。即。浮。雲。

杜甫 張祐 杜牧 張翥
白居易 李 白 周 賀 杜審言

雜題畫幅四首

世路都成寸步難。勞人何處覓平安。
老漁身外無牽絆。一箇魚簪一釣竿。

下下高高幾疊山。雷峰一塔入雲間。
夕陽幻出桃花影。古寺紅於火齊環。
採桑幼女好煙鬟。畫出風姿美且嫺。
忽憶苕溪泛春水。可人姊妹竹籬間。

一騎奔馳路杳漫。墩臺遙指出林巒。關山夜月情何限。不是征人不要看。

三月二十三日同保少柏王霽塘再遊少岱

山

同人依舊謁元君。信是巖巖一脈分。三月花光開地錦。重臺香霧織天文。欲添濃黛勤栽樹。然無一樹五弟為栽千餘株。為數奇峯更入雲。坐久莫嫌禁人傷損後。亦漸茂。為數奇峯更入雲。坐久莫嫌歸路晚。漫山燈市接斜曛。時有會市甲于泰屬燈明如晝。

梳粧樓

在少岱山麓素碧霞元君睡像座
臺帳被悉全婦女雲集燒香壓錢

別館春濃整黛鬟梳粧樓在翠微間風颺柳絮拋

金粉雨浥桃花想玉顏卧去渾疑身是佛揚州萬

亦有卧佛覺來可認月如環粧成何處堪描畫小髻山

連大髻山二山在城南與梳粧樓相對

題徐貞姑傳後二首

香閨繡閣有辛酸歷盡冰霜載史官婦以姑名如

未字貞從艱出始知難一心同穴身先瘁十指全

家力亦殫。直至紅顏摩白髮。完人留待後人看。

二

柏舟大義凜披肝。更有承祧心事難。夫子既無宗子嗣。兄孫合作已孫看。百年手澤書常在。卅載啼痕血未乾。貞姑淚漬棺上染成血。試取湘江斑竹。癩漆之不滅。至今宛然。驗幾回。矜重發長歎。

四月二十四日遊趵突泉

在濟南府

神僊誕辰後十日。緩步西郊謁仙室。璽瓏殿宇曲。

欄干水木清華復明瑟池心湧起趺突泉奔雷蹴
雪歎雲煙伏流東來千百道三壺收束騰高騫氷
山迸裂玻璃響滔滔晝夜無消長就其深矣能方
舟搏而躍之可過顙其流自比金線長其味乃在
蜜脂上金線泉在馬跑泉北蜜脂泉在闕帝廟大殿內井中濟南七十二名
泉到此何人不心賞神仙應為對泉來殿前楹聯云膝地自
從開府闢仙人我今對泉僊與偕岳陽樓上
原為對泉來
望湖光劍氣連蓬萊

遊歷山和題壁詩四首

綠樹穿雲古徑深。舜井門外踞遙岑。我來不為尋
千佛。要識天心與帝心。歷山在舜井門外
七里俗名千佛山

娥皇新殿古裳衣。花貌雲容坐翠微。料得月明風
靜夜。五絃琴響鳳凰飛。尸子堯釐降二女妻以娥
媵以煌娥煌衆女之英

南瞻泰岱畫圖懸。北俯靡笄翠接天。不有歷城堪

指証。河東何處問山川。鄭康成釋歷山在河東齊
乘引曾南豐齊二堂記謂

不宜在河東世因雷首山亦號歷山而誤
謂齊之南山為歷山舜所耕處故其城名歷城為

信然也。鵬按泗水縣亦有歷山。宋時建有舜皇廟。則歷山非一處。殆不若濟南之確。

邃谷龍腥六月寒。詩鐫湍壁腐誰看。獨憐山角幽題處。一曲陽春和者難。

附錄題壁詩

萬家煙火隔雲深。醉裡攀藤上紫岑。所到皆非人到境。愛身不及愛山心。
陰崖雲氣濕僧衣。海岱明湖入望微。戀樹斜陽金萬點。亂山青裡一輪飛。

千霄樓閣斗星懸。綠樹如濤撼遠天。酒醉詩狂
名士地。朝朝不負好山川。
秋。老。山。深。午。亦。寒。煙。鬟。梳。好。要。誰。看。任。他。萬。丈。
青。峰。頂。但。不。辭。勞。到。不。難。

此四首題壁在山頂小廟轉角處末書嘉慶
庚申秋八月古任春復氏題予愛其詩默識
之每以未悉姓名為憾滋陽學博陳育村見
抄本云此任城茂才蔣元也蔣原籍常熟人
大明湖放歌

濟南城北雲錦天。泉源競發歸長川。大明古寺何

日○建○剩○有○大○明○湖○水○波○淪○漣○

水經注灤水北為大明湖西有大明寺水

成淨

芰○荷○分○作○界○菰○蒲○圍○青○煙○歷○下○亭○歌○古○意○在○

杜○詩○今○刻○碑○流○傳○北○極○閣○頂○天○風○冷○恰○對○歷○山○空○

中○懸○玉○函○山○倚○在○其○右○疑○有○青○鳥○飛○且○旋○會○波○樓○

上○淼○無○極○匯○泉○亭○映○菱○花○鮮○鐵○公○祠○接○佛○公○祠○瑤○

牆○曲○檻○相○鉤○連○俯○今○思○昔○不○盡○意○游○人○至○此○捻○選○

延○黃○鳥○未○辭○樹○更○聽○新○鳴○蟬○可○以○啜○清○茗○鋪○歌○筵○

綠○楊○低○拂○池○中○蓮○菱○蘆○影○動○笙○簫○起○隔○牆○不○知○又○

到何人船魚鳥有真樂我亦難舍旃濠梁之想心
陶然

六月十九日賀陳雲峰納姬四首

大明湖畔柳如煙消受清風六月天
十九年華逢十九箕星附月小團圓

山陰小閣傍雲屏抹麗花開兩鬢聲
夜半懽濃須着意碧紗幙外有人聽

時有外寵
故調之

中年人得掌中珍客裡摩挲分外親
若使阿嬌能

解事簪花小字學夫人

得寵雖防閫內知承家事重不能遲明年抱出麒麟子大婦回嗔也譽兒後果得一子

重九日登岷陽山

驅車出西郭尋登岷陽山山雖不高大平近能躋攀東躡鳳皇頂西眺奎樓間山霅忽中斷鬼斧無苔斑高風天上来動我思鄉關鄉關不可見黃鞠明煙鬟人生忙百歲山容萬古閑借坐果老炕聊

以舒心顏

丁丑二月斌備卿觀察良改調江南和留別

詩原韻二首

黃雲捧日射庭除。榮戟生輝奉

勅書。已受繡衣稱直指。又巡吳服問勾餘。聲華山
左連江左。勩績民譽更士譽。此別南樓風景好。杏
花密密柳疎疎。

二

驛路威儀言不盡。望公望歲兩相因。江淮以上沾。
新澤沂泗之間。戀舊人。柳綰離情金口壩。花明喜。
色玉樓春。公前有元帝廟觀牡丹詩粘壁停車更作陰平咏。汨汨
千言謁上真。時公有陰平勘灾行洒筆千言

疊和二首

春生獻歲喜遷除。留別詩多手自書。公書法直逼王趙
北關九重方有慶。東山一覽已無餘。鏡湖元稹垂。
遺愛漈水韋堅播。廣譽畢竟吾鄉人。厚幸爭趨棠。

蔭仰扶踈

二

大明湖畔留題詠。華鵲峰頭感風因。已續前徽稱國棟。更將餘勇作詩人。雲移海島三台近。日照江濱五嶺春。非敢孤表附羔袖。只緣歌頌本情真。

附錄集軒五弟和原韻二首

春回泰谷臘將除。節鉞南移奉簡書。
命二月簡書。公於臘
初南行纔慶安瀾收六汛。頓教離思起三餘。賢

臣大業勞方著

聖主○深○心○毀○亦○譽○獨○有○樗○材○倍○惆○悵○承○恩○從○此○樾○陰○踈○

長○白○山○頭○智○逸○響○鼎○彝○碑○碣○結○前○因○公嗜金石

蒐○羅○去○官○猶○發○千○金○賚○時銅山嶧縣等處飢民

不○少○去○官○猶○發○千○金○賚○○塞路公道○松中堂諭捐

存○留○助○賑○得○衆○時○懷○四○郡○人○不○盡○榛○苓○垂○負○夏○

又○瞻○桑○梓○被○陽○春○驪○駒○合○唱○江○南○好○一○路○鶯○花○
景○物○真○

戊寅四月二十三日登泰山絕頂

夙昔愛名山。遊必探竒秘。恥未識岱宗。今乃遂初志。清和至。奉符城市紛遊騎。漸出北門口。巖巖真岸異。拔地入青霄。承天布蒼氣。山輿橫斜行。初登時。恐墜轉轉貫松楸。面面開幽邃。神房迫鬼龕。一難窮記。遂升太平頂。山絕高處。宋真宗稱萬峰。太平頂俗名玉皇頂。皆鱗次。梁甫接徂徠。絡繹如覆簣。朝看雲出巖。暮送雲歸隧。塊軋盪心胷。石室開金匱。身踞千丈厓。

俯○矚○疑○無○地○上○自○無○懷○氏○下○訖○漢○武○帝○往○來○數○萬○
年○登○封○七○十○二○何○處○問○云○亭○一○色○涵○空○翠○

二十五日再登迎旭亭觀日出

日○從○暗○處○出○不○從○明○處○生○舊○志○本○云○爾○未○見○疑○無○

憑○我○謁○上○廟○宿○西○廡○水經注引從征記泰山有上

廟城中岱廟○為○下○廟○寶○斯○亭○內○孤○燈○熒○壁嵌秦殘刻十字道

人○語○我○紅○山○現○便○見○旭○日○升○少○有○陰○霾○不○可○見○會○

須○無○風○無○雨○無○霧○連○朝○晴○中○國○連○晴○外○國○晦○亦○難○

海。面。掃。澄。清。我。聞。心。愴。恍。難。與。造。化。爭。昨。日。凌。晨。
起。宿。霧。含。東。溟。陽。升。三。尺。始。出。現。色。乃。淡。白。如。水。
晶。宵。來。快。悵。不。成。寐。五。更。復。起。盼。曙。星。直。穿。青。帝。
宮。再。登。迎。旭。亭。俯。視。黑。魃。魃。仰。觀。空。冥。冥。須。臾。天。
根。露。微。白。彩。暈。跨。作。長。橋。橫。遠。從。東。南。絡。東。北。連。
綿。萬。丈。瀉。絲。繩。極。目。窮。海。島。未。有。金。烏。騰。久。之。地。
毬。黑。影。內。突。起。一。綫。紅。且。熒。如。銀。出。壚。火。流。屋。芒。
刺。射。眸。心。覓。驚。寶。光。閃。爍。似。不。定。一。霎。飛。起。金。銅。

鉦仰首。

天書正相對。養雲浴日。四字排空。明回來。戶牖尚
昏暗。漸聽下界晨雞聲。我聞九重天。遠大日輪天。
在第四層。日傍地出。非海出。舊志所見。余身經詩。
人藻飾多臆。度何如。目擊傳真形。徘徊日觀。復月
觀。天風括括吹。難停兜輿。趨下疾于馬。半山已覺
濃雲蒸。晡夕抵下廟。果成大雨傾。後遊殊失望。閨
堂等。後至余倖捷足登。憶昔軍山觀。日出較此殊覺分。

徑庭平生奢願。一旦慰燈前走筆酬山靈。

泰山紀遊二十二首

衝煙穿北郭。迤邐岱宗坊。路借蛇身轉。輿乘蟹足忙。青龍鱗甲展。白鶴水泉香。何事遙參禮。居狀謁上蒼。
泰山為龍言衆山之奔赴也。白鶴泉在玉皇閣前。遙參亭在城內。有不能上山者。遙拜之。

二

昔日升封地。雲冠羽帔粧。春深王母殿。秋澹老君堂。石碣駕鵞合。瑤池翡翠香。呂仙題洞否。虬影已

茫茫。王母池一名瑤池。水經注：古帝外封咸憇于
此。宋李諤記：黃帝建岱嶽觀，遣女七人雲冠
羽衣以迎王母。岱嶽觀疑為古之中廟。老君堂有
雙碑以蓋趺合而束之。俗呼鴛鴦碑。多唐人投龍
詩。刻呂公洞相傳為煉丹處。題詩石壁。
虬對之頂禮。化龍飛去其上為飛虬嶺。

三

翼翼飛雲閣。一天門上頭橫。看大藏嶺直聳萬仙
樓。簫笳紅霞映鬚眉。翠靄浮櫻桃。蕪菜竹夾澗水
清。王母配以列仙下為隱真洞。北為桃源峪。

四

別却桃源路。招尋斗母宮。星壇延法雨。月徑掃仙風。
劍試塵埃外。經鋪石峪中。水簾懸挂遠。隔影看瓊瓏。
桃源峪北為斗母宮。又東北有經石。峪刻佛經字大如斗。旁有試劍石。石壁分為水簾。厓

五

冉冉雲頭埤。壺天插碧霄。揮鞭迴馬嶺。策杖跨虹橋。
虎廟香煙集。龍文石跡饒。二天門又過。小憩半山腰。
雲頭埤北有壺天閣。又北為迴馬嶺。應劭謂之天關。過此馬不能登矣。再上為二天門。旁有二虎廟。北為跨虹橋。又西北有龍文石。文理若龍。西北有半山亭。故址。

六

雪花吹不滅橋畔有還無御帳坪如砥懸厓瀑似

珠大夫千歲補處士一松孤尋得朝陽洞流連景

物殊

雪花橋非雪乃橋下亂峯白石尖望若鋪雪御帳坪片石坦豁為宋真宗駐蹕處前為飛

添崖北有秦封五大夫松明萬歷時失之後補裁又北一松特立人稱處士松

七

松奇多益好更好對松山夾路千株挺凌煙萬象

環雁翎風拂拂龍口水潺潺峻壁東西削昇仙試

一攀。

對松山兩峯夾路一日萬松北有雁翎峯大龍口又北兩山竦削有昇仙坊

八

南。天。門。忽。開。翹。首。瞻。先。寒。拔。地。四。千。丈。穿。雲。十。八。盤。羊。腸。高。益。險。鳥。道。陡。逾。難。萬。狀。森。如。繡。身。危。不。敢。看。

昇仙坊兩山辟立東曰飛龍巖西曰翔鳳嶺中為十八盤路最險陡博聞錄云泰山高四千丈其十八盤盡處為南天門舊稱三天門

九

過。此。步。天。街。蓬。元。福。地。佳。義。停。百。丈。嶺。媯。煉。五。花。

厓煙霧纓裾集金銀棟宇排。

翠華頻駐蹕遊樂與民偕。南天門東為天街迤北為鳳

皇山前有蓬元坊名山山洞天福地
記云第二洞天泰山名蓬元之天

十

雲巢高起步。

宸翰幾番舒嶺鳳迎。

天仗碑龍護。

御書避風依厖密禮斗築壇虛不侈陳封禪悠狀。

緬古初。雲巢係乾隆十二年。御製詩碑。避風。臺石。厂深。密。中多宋刻。振衣岡北。有壯斗壇。四面。皆門而中空。其上復為臺。曰禮斗。

十一

碧霞宮殿。萬衆禮天仙寶鑑。懸真影珠旛。統瑞煙。秦碑留十字。宋璽近千年。願事元君久。心清百慮捐。碧霞祠元君上廟也。宋建昭真祠。明改曰碧霞。靈祐宮元君者。瑤池記以為黃帝所遣玉女。博物志以為泰山神女。殿上懸一鏡。相傳凌展可見真影。舊有玉印。刻天仙照鑒四字。疑宋祥符時與玉像並刻者。秦殘石二十九字。舊在玉女祠。乾隆五年。廟灾失之。今得十字于玉女池中。

十二

上廟瞻仁聖。凝旒煥紫霓。功原居嶽長。位直與天。

齊大小黃金。檢溫涼碧玉。圭摩蒼思峻極。

睿藻炳青泥。此為天齊仁聖帝之上廟。即古封禪處。乾隆十二年石工。于日觀峯得玉。

檢金縷十七冊。三十六年祭岱廟。賜溫。

涼玉圭。殿上有御書上摩蒼昊四字額。

十三

彌高巖下望。唐刻碧璘珣。隸蝕莓苔古。文垂日月。

新裂天泉一綫懸。鼓石雙輪信宿於中住。飄然出。

世塵。上廟後為彌高巖有唐開元御書紀泰山銘
摩崖隸刻甚巨上有懸鼓石二下有裂天泉

十四

玉帝清虛觀。東亭注望頻。蒼垠開紫島。黑地起紅輪。
射棟纔如血。登桑忽似銀。高應無二上。惟有禮寅賓。
玉皇頂有玉帝觀東側為迎旭亭觀日出

十五

孔子巖前景。乾坤第一亭。望吳知馬白。瞻魯戀峰青。
日觀高同擬。仙橋險莫經。此間小天下。古意入

蒼冥

後寢宮西為望吳峯俗稱孔子巖絕頂東南有乾坤第一亭為孔子小天下處又東南為

日觀峯即漢官儀所謂山頂東巖為介邱也峯南有瞻魯臺又三石甍結為仙人橋

十六

門向東天豁天根盡海濱四圍青有暈一綫白無垠險澗堪愁雁懸厓欲嚇人思尋後石塢裹足幾逡巡東天門東峽口陡險名雁愁澗東神霄山懸厓可畏俗名嚇人峯後石塢在北天門外

十七

轉望鬱重重神仙何處蹤欲騎獅子石走謁丈人

峯野鶴巢時有神鴉跡未逢碑留無字好紫翠織
蒙茸獅子石在寶箴嶺上文人峯在絕巔西如老人峯西秦無字碑在玉帝觀前

十八

西天門對峙月觀勢凌虛君子觀桃峪仙人坐石
閭松釵和霧插苔髮倩風梳舊徑回三蹬徘徊興
有餘西天門在月觀峰西兩石環立如扉即漢官儀所謂山頂西巖為仙人石閭也君子峰在西天門西其下為上桃峪出南天門至雪花橋其上為三蹬崖平處三里

十九

遊女下山。轎衣飛五色。鮮樹間穿。蛺蝶雲際落。鞦韆髻擁金珠。朶手施梨棗。錢幽岑供點綴。轉眼入青煙。

山上捐錢名混施錢即漢武帝時所謂梨棗錢

二十

遙矚西南勝。巖深草不芟。青蓮九女砦。紅葉五陀巖。琳宇牽蘿徑。瑤英發石函。轆轤岡轉折。斜日半規銜。

對松山西南有五陀巖紅葉嶺諸勝又西有九女砦砦亦作寨一峯高起簇若青蓮岱史

云昔有九女避兵于此地多石
英瑩徹五稜又西有轆轤岡

二十一

日下九峯隱雞峙香靄間草侵仙趾峪水汨馬蹄
灣寺入竹林秀人來松逕閑詩僧元玉塔遙憶五
琅山九峯西為仙趾峪有仙人草履跡長尺餘又
林寺又漢漢峯下普照寺有元玉
塔吾崇川詩僧元玉曾卓錫于此

二十二

扇子崖如摺仙人掌暗捎桐陰連翠幕榭葉布青

郊路失雲歸壑林。喧鳥認巢迴看何所有。百八帶

煙敲。

扇子厓在劉盆子砦前狀如摺扇明楊博題曰仙人掌厓北多青桐西山別業多松樹

咏岱廟炳靈殿前漢柏

漢室無踪影。籀狀此尚青。六株延鶴夢。雙榦矯龍形。種自分新甫。神應藉炳靈。二千年未艾。誰得擬

長齡。

漢柏六株西北隅一株兩榦矯若龍明陳昌言為之書讚

已卯秋日暹羅國貢使握不突過境為予書

彼國番字扇酬以詩

冠蓋如雲達兗州。暹羅斛國進共球。暹與羅斛本國王遣使入貢後改暹羅斛來時萬里驚濤險使溺于海此到此千山冷露秋貽我桂枝兼象尾奇君其副使到此
番字釋蠅頭。曾見其本章用皂紙粉書自下而上觀元年武夷范致君碑即以殷勤譯使羊城客更番字書之釋以小楷亦工
述東阿識舊遊。通事二負廣州人言其上次入貢值五弟宰東阿時

重九日青蓮閣落成作歌紀事

夙昔耽吟咏。酷嗜青蓮詩。仙風道骨絕攀仰。讀之

往往清心脾。東來欲祀先生像。城中局蹐難設施。
前年疏理黑風口。去歲修葺龍神祠。殿旁十笏地。
度為樓閣基。今逢玉兔歲。人日開春暉。把盞勸友
朋。量力輸其貲。二月購杞梓。三月延工師。四月運
甎甃。五月成新規。節次丹雘塗墍茨。不用山藻飾。
但畫蓮花垂欄檻。一碧生漣漪。開窓安神几。八月
涼風吹重陽。登高閣。為公開光儀。兩兩白玉童。提
壺奉金匱。公女平陽子。伯禽宛狀膝。下相追隨樓。

前○花○木○皆○茂○美○想○像○當○年○嬌○女○攀○折○桃○花○枝○是○日
大○演○劇○唱○公○清○平○詞○公○應○對○之○心○神○怡○西○近○少○陵
臺○東○枕○蒼○龍○池○南○瞻○嶧○山○嶺○北○顧○徂○徠○六○逸○之○清
溪○可○以○駕○黃○鶴○驂○赤○螭○往○來○倏○忽○神○交○馳○我○聞○昔
為○堯○祠○地○公○有○堯○祠○送○客○辭○友人張馥亭言此堯
志書不載今尋祠東半里許張阜村尚有青松石
堯王墓未圯則以此為堯祠址當不誣也青○松○石○
門○不○復○見○紅○泥○亭○子○想○依○稀○道○旁○蒼○耳○子○昔○日○牽○
公○衣○神○之○靈○兮○胡○不○歸○任○城○太○白○樓○風○雨○愁○傾○歌○

不如此閣雖小能安棲歌一闌進千巵天風澹澹
飄靈旗扁舟泛月出金口與公期乎綠楊堤

附錄集軒五弟詩

青蓮傑閣落成時欄檻仙風面面吹我輩登來
惟飲酒先生在上敢吟詩山高嶧嶺橫遙黛水
帶雲流抱曲池一段深情無挂處蒼龍堤畔柳
絲絲

附錄保少柏詩二首

經○營○峻○閣○出○心○裁○九○日○登○臨○實○壯○哉○創○始○初○逢○
桃○葉○放○觀○成○恰○對○菊○花○開○詩○人○早○自○空○千○古○佳○
節○須○酬○酒○百○杯○極○目○煙○波○入○圖○畫○魯○東○門○作○小○
蓬○萊○

居○狀○供○奉○古○衣○冠○遊○士○如○雲○注○目○看○花○鳥○頓○思○
前○度○景○兒○童○仍○作○合○家○歡○朝○臨○鳬○繹○山○容○秀○夜○
拂○奎○婁○月○影○寒○天○上○人○間○同○一○樂○謫○仙○從○此○足○
盤○桓○

附錄許響山詩

名岳嘉興人

沈○州○城○外○青○蓮○閣○供○奉○詩○仙○始○營○作○崢○嶸○形○勢○
接○南○樓○金○碧○輝○煌○傍○東○郭○登○臨○目○可○窮○鄒○魯○勝○
跡○從○教○邁○千○古○此○邦○人○物○空○九○州○前○有○周○公○後○
尼○父○聖○賢○代○出○寓○公○多○騷○客○同○時○來○李○杜○少○陵○
詩○格○高○難○擬○太○白○奇○才○更○無○比○清○平○三○疊○倚○馬○
成○絕○代○聲○華○動○天○子○倚○醉○承○恩○氣○益○豪○青○蠅○致○
點○遭○讒○毀○遂○教○放○逐○為○遷○客○宇○宙○茫○茫○天○地○窄○

志如鴻鵠欲凌霄。倦飛其奈垂雙翮。燕秦齊魯
徧遨遊。徂徠山好曾棲跡。偶狀挂席魯門東。夾
岸桃花春水碧。長吟驚起水龍吟。金壩翻騰雪
浪拍。勝地應同人共傳。千秋逸韻誰尋繹。天教
賢宰蒞瑕邱。集軒明府文章伯。大樹扶疎作棣
棠。怡怡伯仲風騷劇。採輯芳徽邑乘遺。新祠建
立河之湄。結構無多轉宏麗。輪奐蕩漾風差池。
檐楹璀璨盛圖繪。蓮花五色皆紛披。座乃設公

才系口以禾

像壁乃懸公詩。壁上懸詩數十首係太白在充

望而知玉山未傾倒相照光離離牽衣兒女本

天性嬌鸞雛鳳仍追隨我來瞻拜情何限景仰

高風徒感羨感公才大數偏奇一生踪跡飄零

遍投老何堪竄夜郎放還仍未歸鄉縣及奉殊

恩拜拾遺仙才已赴玉樓選縱得方干身後名

先生詎慰生前情獨憐劍佩經行處尊崇風雅

人心傾時當嘉慶己卯之重九登高恰喜此閣

方○落○成○大○馮○率○賓○從○拜○奠○于○兩○楹○辦○香○致○清○酌○
雅○好○投○生○平○一○盃○魯○酒○誠○能○格○玉○京○會○見○來○騎○
鯨○秋○月○朗○朗○秋○風○清○銀○河○低○轉○星○參○橫○碧○天○無○
際○秋○雲○斂○長○庚○高○傍○奎○光○明○湯○湯○檻○外○泗○流○急○
疑○是○潯○陽○江○上○秋○濤○聲○

附錄張文麓性梓詩

沉○香○亭○子○化○為○塵○花○萼○樓○空○草○不○春○獨○有○仙○人○
留○滕○地○能○開○畫○閣○映○通○津○西○江○牛○渚○祠○依○舊○東○

魯○龍○堤○蹟○尚○新○兒○女○一○龕○香○篆○藹○夕○陽○流○水○護○
詩○神○

附錄閭觀堂岱東詩

金○壩○龍○神○舊○有○祠○青○蓮○建○閣○傍○初○基○鳩○工○我○亦○
勞○三○伏○時與史兄肇奠○酒○公○當○醉○一○卮○大○樹○頻○
添○懷○古○詠○長○楊○漸○作○綰○人○綵○堤○上○新○栽○桃○柳○登○
高○眺○遠○情○何○限○恰○是○龍○山○落○帽○時○
半自栗園移植

附錄劉尚珣詩

以下東魯書院諸生

漫將同調寄知章。閣建青蓮土亦香。直以詩文
成此役。何妨俎豆報其狂。高凌黃鶴心先壯。下
卧蒼龍首欲昂。相見少陵重握手。論文長此聖
人鄉。

附錄袁家塾詩

吾師才調比青蓮。結搆青蓮畫閣鮮。不讓南樓
誇獨步也。教東壩駐飛仙。秋風鶴影開雲路。春
水桃花放釣船。地與蓬門鄰最近。從茲景仰亦

奇緣

附錄閨淑海詩

為○溯○仙○人○蹟○三○秋○隱○始○成○居○疑○鄰○大○酉○星○欲○煥○
長○庚○蜀○水○離○情○慰○洸○河○醉○眼○明○銜○盃○仍○白○玉○常○
侍○魯○諸○生○

庚辰清明日登青蓮閣放歌

天○蒼○蒼○地○茫○茫○往○古○豪○傑○萬○萬○輩○看○來○惟○有○詩○人○
壽○世○年○命○長○况○是○謫○仙○才○大○名○垂○琳○瑯○嶺○邑○首○東○

魯唐賢來李杜杜有少陵臺李可無寸土去秋高
閣成今春飾廊廡琬窓四面觀不亞湘江浦綺節
值清明黃金堆菜圃長楊踈地桃花飛一抹青山
好眉嫵金壩平拖寶帶橫奔流噴雪眼波明坐聽
枝頭鳥語相問答不聞下士笑作蒼蠅聲李詩下
士大笑
如蒼蠅聲我欲留春使不去鶯花直接長安路我欲喝
月使不行夜夜挂壁當前楹一片鳶魚境化作琉
璃城因之會仙友咫尺近玉京八公來看簿子晉

來吹笙綠楊三月長美好白玉一盃時充盈蘭陵
美酒比江漢為公再浮大白三千觥

青蓮閣懷古四首

調羹知過豈非真飛語何堪中倖臣東海自稱釣
鰲客西清誰比謫仙人傾心樂府珠璣錯觸手宮
詞錦繡新自是才高爭附鳳漫言結契永王璘

二

昔日東遊避糾紛竹溪六逸快論文杜陵甘讓詩

無○敵○賀○監○先○知○品○不○羣○萬○文○雄○心○爭○日○月○一○身○仙○
骨○逐○風○雲○瀛○洲○金○闌○尋○何○處○極○目○煙○波○織○錦○紋○

三

三○載○萍○踪○托○兗○州○角○巾○微○服○舊○風○流○曲○曹○桑○下○斜○
陽○冷○蒼○耳○叢○中○古○道○幽○西○郭○牽○愁○來○北○郭○東○樓○扶○
醉○上○南○樓○更○憐○綠○水○珊○瑚○樹○鄰○女○窓○前○海○石○榴○有○公○
魯○城○北○郭○曲○曹○桑○下○送○張○子○詩○尋○魯○城○北○范○居○士○
失○道○落○蒼○耳○中○詩○送○二○從○弟○赴○舉○西○京○詩○東○樓○醉○
起○詩○鄰○女○東○窓○海○石○榴○
詩○皆○在○兗○州○時○所○作○

四

東郡曾傳兩度經。聊將峻閣薦芳馨。
 長安盛事談天寶。成紀騷人溯地靈。
 公蜀之此去。空憐雩水碧。
 晚來終老謝山青。
 公渡牛渚至姑孰。悅錦袍捉月。
 謝家青山卒。葬東麓。
 虛無事。惟見長庚萬古熒。

附錄張嶼詩

以下東魯書院諸生

驅車魯東門。秋風生林薄。
 黃葉未辭樹。白水紛繞郭。
 沂泗交流中。突兀起傑閣。
 翡翠挂藻井。丁

東○響○鈴○鐸○窓○虛○受○遠○山○門○高○俯○盥○鶴○會○有○仙○人○
來○騎○鯨○劇○飛○躍○身○被○宮○錦○袍○手○握○青○蓮○萼○獨○邀○
東○海○月○高○傾○北○斗○勺○魯○酒○不○醉○人○興○來○還○共○酌○
千○一○百○餘○年○人○間○無○此○樂○

附錄苗毓輝詩四首

遊○人○始○識○魯○東○門○水○作○蒼○龍○蹟○尚○存○春○去○秋○來○
無○限○好○夕○陽○古○渡○一○銷○魂○
近人每以魯東門為
曲阜縣東門不知曲
阜○城○東○無○水○道○不○能○泛○舟○公○過○魯○東○門○詩○
水○作○蒼○龍○可○証○先○生○建○青○蓮○閣○人○心○釋○狀○

勝地重新好護持。南樓南畔有南池。自從構得
青蓮閣。杜拾遺還李拾遺。

仙人自昔好樓居。望眼天開興有餘。西蜀雲山
東魯客。飄然詩思欲凌虛。

結構年餘花木香。往來詞客醉壺觴。掃紅亭上
人懷古。盛事流傳入盛唐。

附錄袁欽詩四首

青蓮閣畔繞迴瀾。桃柳春濃護牡丹。秋月揚輝

天○墮○水○魯○東○門○作○剡○溪○看○
公過魯東門詩何

堯○王○墓○接○舞○雩○臺○紅○樹○參○差○望○眼○開○雩○水○一○灣○

隨○路○遠○引○人○清○興○仰○徂○徠○
雩水即沂水以

李○杜○同○時○客○兗○州○少○陵○著○跡○在○南○樓○龍○山○高○矚○

雲○天○曠○更○比○南○樓○進○一○籌○
南樓在城中不

此○間○位○置○謫○仙○人○懷○古○情○深○景○物○真○却○笑○魯○藩○

當○日○事○青○樓○崇○奉○白○眉○神○
東門外舊有白眉神

距所俱以粉傳神面眉為之白事既不經廟亦

久圯相傳明邑紳范淑泰有楹聯云事業比天

地之亡羊問誰帝誰王誰霸大踏步闖出世界
範圍說甚麼聖兄柳下垂青史英雄如騏驎之
過隙喜非仙非佛非儒小法身享盡人間香火
看這些賢妹花間拜白眉附錄于此以供一粲